



Siverth K. Heilmann

Atassut sinnerlugu Inatsisartuni ilaasortaq

§ 37 naapertorlugu apeqqutip nr. 97/2023-p akineqarnera.

Asasara Siverth K. Heilmann

Inatsisartut suleriaasianni § 37, imm. 1 naapertorlugu Naalakkersuisunut apeqqutinik saqqummiussaqaqputit.

Naalakkersuisut apeqqutigineqartunut qujapput, taakkulu tullinnguuttuni issuarneqaqput akineqarlutillu.

05-06-2023
Suliap normua 2023 - 14098
All. nr. 23026521

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@naanoq.gl
www.naalakkersuisut.gl

1. Misissortinnissaq nakorsiarsinnaanissarlu ajornannginnerulersissinnaaneranik pillugu Naalakkersuisut qanoq pilersaaruteqaqpat?

Akissut:

Naalakkersuisunut pingaaruteqaqpoq innuttaasut tamarmik peqqinnissaqaqfimmis misissorneqarnissaminut katsorsarneqarnissaminnullu periarfissaqarnissaat. Innuttaasut tamarmik peqqinnissaqaqfimmis saaffiginnissinnaapput, tassani suliassamut immikkut ilinniarsimasup nalilissavaa saaffiginnissut taassumanga sukumiinerusumik misissorneqartariaqarnersoq.

Ajoraluartumik peqqinnissakkut sullissisunik sulisussarsiortarnermi sulisorinniinnarnissamullu unammilligassat annertuut peqqinnissaqaqfimmis misigineqartarput, naak naammattunik sulisussaqaqarnissaa qulakkeerniarlugu ingerlaavartumik sulisuteqaqartoqaraluartoq. Pingaartumik Nuup avataani nakorsat aalajangersimasumik atorfinitsinnissaannut tunngatillugu tamanna atuuppoq. Pissutsit taamaattut ajoraluartumik ilaannikkut misissortinnissamut katsorsartinnissamullu siviuserusumik utaqqinermik kinguneqartarput. Pinartumik ilungersunartumillu anniaatillit peqqinnissaqaqfiup pingaarnersiortuaannarpai.

Naalakkersuisut erseqqissarusuppaat peqqinnissaqaqfiup innuttaasunik sullissinera eqqarsaatigalugu qarasaasiakkut nakorsiartitsisarnermik atuinerulerneq pitsanngorsaannissamut periarfissaasoq. Pingaartumik sumiiffinni aalajangersimangitsumik nakorsaqaqfiunngitsuni tamanna atuuppoq. Sulisoqarniarnikkut unammilligassat pissutigalugit suliassat ilaat qarasaasiakkut nakorsiartitsinerit imaluunniit qitiusumik napparsimmavimmi sivikitsumik atorfeqaqartitsisarnikkut aaqqinniarneqartarput.

Naalakkersuisut ukiumi matumani siusinnerusukkut peqqinnissaqaqfimmis pinasuartumik aningaasaliisoqaqpoq, ilaatigut sullissinermik unammilligassat ikiorsiiffiginialugit Dronning Ingridip Peqqissaaviani sulisut amerlineqaqassallutik.

**2. Peqqinnissaq pillugu ataatsimiititaliarsuup suliaa
utaqqeqqaanngikkaluarlugu
piaartumik Naalakkersuisut qanoq iliuseqarnissaminnik
pileraaruteqarpat?**

Akissut:

Peqqinnissaq pillugu Ataatsimiititaliarsuup isumaliutissiissutini ulloq 22. maj 2023 saqqummiuppa. Isumaliutissiissummi siunnersuutit assigiinngitsut, innuttaasut peqqinnissaqarfimmit sullinneqarnerannik pitsanngorsaataasinnaasut, Peqqinnissaq pillugu Ataatsimiititaliarsuarmut saqqummiunneqarput. Naalakkersuisut kaammattuutit aallartinnissaannut periarfissat misissorusuppaat.

Peqqinnissaqarfimmi aqqissuusseqqinnissamik isumaqatiginninniarnissanut tunngatillugu partiit kissaataat pillugit Peqqinnissaq pillugu Ataatsimiititaliarsuup isumaliutissiissutaa aallaavigalugu aallarniutaasumik oqallinnissamut Naalakkersuisut Inatsisartuni partiinik piaartumik aggersaassapput.

**3. Nappaateqarnermut pasitsannermi siusissukkullu
naamattoorsisinnaanissaq anguniarlugu nakorsat innersuussinissaat
utaqqeqqaanngikkaluarlugu
aaversissinnaanissamut periarfissat annertusineqarnissaannik
Naalakkersuisut suliaqarusuppat?**

Akissut:

Napparsimasunik katsorsaaneerit suniluunniit siusissukkut nappaatit suussusersineqartarnissaat assut pingaaruteqarpoq. Nunatsinni napparsimasoq sumiluunniit najugaqaraluarpat tamanna atuuppoq. Nunatsinni peqqinnissaqarfiup immikkoortuini amerlanerpaartaani misissueqqissaartoqartarpoq. Nunaqarfinni minnerusuni taamaallaat najukkami aaversinnissaq periarfissaanngilaq. Nappaammik suussusersiniarnermut atatillugu nakorsat qaqugukkulluunniit nalilertarpat napparsimasoq aaversittariaqarnersoq aaversittariaqannginnersorluunniit.

Nunaqarfinni innuttaasut najukkami aaversinnissaminnut periarfissaqanngitsut qarasaasiakkut nakorsiartinnerisigut nalilernerqartarpoq tamanna pisariaqarnersoq.

Nappaammik suussusersiineq – tassunga ilanngullugit napparsimasut ersiutaannik naliliineq, assersuutigalugu aaversinnernik misissuinerit kiisalu taakku inernerinik nassuiaanerit – nakorsanit nalilersorneqartariaqarput. Taamaattumik nammineq nappaat suussusersiniarlugu innuttaasut/napparsimasut namminneerlutik aaversissanerlutik aalajangerneq ajorpaat.

Inussiarnersumik inuulluaqqusillunga
Med venlig hilsen



Mimi Karlsen